



Inatsisartut suleriaasianni § 37 imm.1. naapertorlugu Naalakkersuisut matumuuna apeqquq imaattoq saqqummiuppara:

Naalakkersuisunut apeqquq:

- 1. Naalakkersuisut departementschefimut inuttassarsiuussinermi namminneerlutik atorfinitsitsinermut kaajallaasitartik 1. oktober 2017-imeersoq naapertorlugu § 2 aamma § 9, oqaatsitigut piginnaasat ilanngullugit atorfinittussamut nalilersuinerminni ilannguttarpaat?**
- 2. Naalakkersuisut isumaqarpat Namminersorlutik Oqartussat iluani inuttassarsiuussinermi ersarissumik paatsuugassaannngitsumillu allaqqasumi aammalu ataasiaannanngitsumik tikkuartorneqaqattaarsimasumi oqaatsitigut piginnaasat, kiisalu kalaallit kulturiannik aamma inuiaqatigiit inissisimanerannik ilisimasaqarnissamik piunasaqaateqartoqartoq soorlu selskabet assigalugit ingerlatsivinni.**
- 3. Quppernermi atorfiup inuttassarsiornerani – kingusinnerpaamik qinnuteqarfissap ullulerneqarnerani 12. Marts 2019 Naalakkersuisut siulittaasoqarfiata Departementschefissarsiornerani atorfinitsitsinermut kaajallaasitaq 1. Oktober 2017-imeersoq § 2 aamma § 9 malillugu allaqqasoqanngimmat, uani piunasaqaataalluni paatsuugassaannngitsumik oqaatsitigut piginnaasaqartuussasoq, tamanna Naalakkersuisut malittarisassanik malinninngitsoq allannngortinniarneqarpa?**
- 4. Naalakkersuisut atorfinitsitsisarnermut kaajallaasitaq 1. oktober 2017-imeersoq allannngortinniarlugu pilersaaruteqarpat? Allannngortitsisoqassappat, allannngortitsisoqassanngikkaluarpalluunniit tamatumunnga tunngavilersuutitalimmik Naalakkersuisut itisiliiffigeqquneqarpoq.**



partii naleraq

5. Naalakkersuisut qanoq isumaqarpat qanorlu kinguneqartitsissappat departement-ip imaluunniit tamassumap ataatungaani inissisimasoq inuttassarsiuussinermi allakkiaq inatsisitigut malinneqanngitsoq saqqummiukkaluaruniuk?

Una nalinginnaasumik apeqqutaammat Naalakkersuisut piumaffigineqarput sakkukinnerpaamik kiisalu sakkortunerpaamik kinguneqartitsissagunik saqqummiusseqqullugit.

(Inatsisartunut ilaasortaq, Pele Broberg, Partii Naleraq)

Tunngavilersuut:

Naalakkersuisut anguniagarinerakkatik sumut killitsinneraat, isumaallu paaserusunnarmata apeqquteqarpunga.

Apeqqutit ullut suliffiusut qulit (10) iluanni akeqquneqarput.